



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

XIV. Enumerantur aliæ synodi in quibus Cæsarius præsedit. Causæ
Contumelioso Episcopi Reiensis judicata est in Concilio generali.
Emendatur epistola Agapeti ad Cæsarium, quæ gravis mendo laborat in ...

urn:nbn:de:hbz:466:1-15617

Pally usum ei permisit. Itaque Symmachus, tum propter veterem confuetudinem, tum etiam contemplatione meritorum Cæsarij, ei vices suas commisit per Gallias, id est, Metropolitanum eum Galliarum, in cuius dignitatis possessione jam antea fuerat Cæsarius, esse constituit, similique Pallium, quod erat insigne Vicariorum sedis apostolice, illi concessit.

XIII. Eximiam illam Metropolitanam Galliarum dignitatem in Cæsario agnovit etiam Hormisda Pontifex Romanus, qui proxime Symmacho successit. Statim enim ac in sede Petri locatus est, literas de ordinatione sua, ut moris erat inter Episcopos ilustrissimarum Ecclesiarum, misit ad Cæsarium, quarum hoc initium est in veteri codice MS. Bibliothecæ regie: *Dilectissimo fratri Cæsario Hormisda. Quamvis ratio exigat ut fraternitati nre nostri sacerdotij primitias nuntiemus, tamen Dei beneficia taceremus.....* Cetera non extant. Idem ad eum scripsit anno DXXV. Episcopos Dardanos, Illyrios, & Scythas ad sedis apostolicae communionem rediisse, Eutychiana hæresi damnata. Scythes in hoc loco memoravi cum Dardanis & Illyris, tamenetsi sciam eorum mentionem non extare in vulgatis epistolarum Hormisda editionibus, ut monerem nomen eorum reperiri in epistola istius exemplari quod habetur descriptum in veteri codice MS. Bibliothecæ regie. Ergo Episcopiam Dardani quam Illyri penè omnes, necnon Scythe, errorem condemnando preteritum, petentes beati Petri Apostolorum principis communionem &c. Recte. Nam alias editiones sunt absurdæ, in quibus sic legitur: Ergo Episcopiam Dardani quam Illyrici penè omnes, ne sint errore condemnandi preterito, petentes &c. Lectionem regij codicis confirmat etiam ipse Hormisda in epistola ad Avitum Episcopum Viennensem de statu Ecclesiæ orientalis: in qua licet de Scythis non loquatur, tamen cum Thraeces adjungit Dardanis & Illyricis, ostendit deesse hec aliquid in epistola ad Cæsarium de eodem argumento. Sic ergo scripsit ad Avitum Hormisda. Nam unde est quod cum magna parte à conterminis suis Thracibus, Dardanis, Illyricis, cognita eorum perversitate deserantur, procul postos ignorantiae spe, fraudibus, & variis artibus intentantur allucere. Scytha porro contermini erant Thracibus, utrique autem sit in ora Ponti Euxini.

XIV. Praesedit postea Cæsarius in Concilio Arelatenensi i.v. anno DXXIV. Carpentoratensi anno DXXII. & Arausiano II. anno DXXIX. Nam tres illæ synodi non fuerunt tantum ex Episcopis provincia Arelatenensis, sed generales ex regno Gotthorum.

Cansem quoque Contumeliosi Episcopi Reiensis judicatam fuisse in synodo generali, cui Cæsarius praefuit, colligitur ex epistolis Ioannis II. & Agapeti Pontificum Romanorum. De quo negotio, cum satis explicatum sit in epistolis illis, nihil dicam. Illud tantum admonebo corruptam esse ultimam partem septima Agapeti epistolæ, quæ data est ad Cæsarium, ideo que putasse me non pratermittendam esse hanc occasionem illius emendandæ. Nam cùm dixisset Agapetus velle se ut Contumeliosus, redditæ sibi modo propria substantia, suspensus interim esset ab administratione patrimonij ecclesiastici & à celebratione Missarum, inferius tamen ei suspenso ac præsumptori concedit celebrationem Missarum, si vera est lectio quæ extat in vulgatis editionibus. Vnde sequitur Agapetum sibimet repugnare in eadem epistola. Ergo ut vitium illud auferatur, sic legendus est hic locus ex fide vetustissimi codicis MS. Bibliothecæ regie: *Suspensu igitur, sicut prefati sumus, i pisco Contumelioso abeat tantum quam presumpsi dicatur celebratione Missarum, & patrimonio Ecclesie in gubernacione Archidiaconi ejusdem Ecclesie constituto, ita ut almonia sufficiens Episcopo non negentur, Visitatoriis te in eius loco precipimus ordinare personam, & patienter expectare judices quos inspirante Domino constituerimus audire.* Agebatur de retractanda causa Contumeliosi, qui sedem apostolicam appellaverat post judicium Episcoporum Gallicanorum. Expectare itaque Cæsarium jubet quid decreturi sint judices à se delegandi, interim vero Contumeliosum manere suspensum à celebratione Missarum & ab administratione patrimonij ecclesiastici, ita tamen ut ei alimenta episcopalii dignitati congrua præbeantur. Nam si apud T. Livium P. Scipio Nasica recte monuit erubescendum esse Romanæ urbi, si vir clarissimus (nimurum L. Scipio) in carcere inter fures nocturnos & latrones includeatur, indecorum quoque esset si Episcopo, tamenetsi reo, non ampliora alimenta subministrarentur quam reis ceterorum ordinum.

CAP V T XXXVI.

Synopsis.

I. Vigilius Papa, primus omnium Pontificum Romanorum concepsit vices suæ Auxano Episcopo Arelateni conceptis verbis.

II. Cum crux Arelatenensis transit in ius Regis Childeberti, iste Vigilius oravit uti Auxano vici apostolica sedis & Pallium delegaret. Pallium erat genus imperatorij indumenti, ideoque requirendus fuit confessus Infirmarii.